

BAHAGIAN A : 20 MARKAH**ARAHAN :**

Bahagian ini mengandungi **DUA PULUH (20)** soalan objektif. Tandakan jawapan anda di dalam borang OMR yang disediakan.

- | | |
|------|---|
| CLO1 | 1. Apakah maksud ilmu ekonomi?

A. Kajian tentang pengurusan sumber manusia.
B. Kajian tentang politik dan sosial sesebuah negara
C. Kajian tentang penggunaan tenaga buruh dalam industri.
D. Kajian tentang cara manusia menggunakan sumber terhad untuk memenuhi kehendak tidak terhad. |
| CLO1 | 2. Antara berikut, yang manakah ganjaran bagi faktor pengeluaran tanah?


A. Upah
B. Sewa
C. Untung
D. Faedah |
| CLO1 | 3. Mengapakah timbul masalah ekonomi?

A. Kehendak manusia dan sumber ekonomi terhad.
B. Kehendak manusia dan sumber ekonomi tidak terhad.
C. Kehendak manusia tidak terhad dan sumber ekonomi terhad.
D. Kehendak manusia terhad dan sumber ekonomi tidak terhad. |
| CLO1 | 4. Apabila seseorang memilih untuk membeli telefon baharu berbanding komputer riba, komputer riba dianggap sebagai _____.

A. kos lepas
B. keperluan
C. barang mewah
D. barang pengguna |

- CLO1
5. Apakah perbezaan utama antara sistem ekonomi sosialis dan sistem ekonomi kapitalis?
- A. Kedua-duanya dikawal sepenuhnya oleh kerajaan.
 - B. Kedua-duanya bergantung sepenuhnya pada pasaran.
 - C. Kapitalis menekankan hak milik persendirian, sosialis menekankan hak milik kerajaan.
 - D. Sosialis menekankan hak milik persendirian, kapitalis menekankan hak milik kerajaan.
- CLO1
6. Mengikut hukum permintaan, apabila harga sesuatu barang meningkat, maka kuantiti diminta akan _____.
- A. kekal
 - B. berkurang
 - C. bertambah
 - D. tiada perubahan
- CLO1
7. Apakah yang dimaksudkan dengan keseimbangan pasaran?
- A. Kuantiti diminta melebihi penawaran.
 - B. Kuantiti ditawarkan melebihi permintaan.
 - C. Kuantiti diminta sama dengan permintaan.
 - D. Kuantiti diminta sama dengan kuantiti ditawarkan.
- CLO1
8. Jika pendapatan pengguna meningkat, keluk permintaan bagi barang normal akan _____.
- A. beralih ke kiri
 - B. tidak berubah
 - C. beralih ke kanan
 - D. menegak ke atas

- CLO1 9. Sekiranya berlaku lebih permintaan di pasaran, apakah kesannya terhadap harga keseimbangan?
- A. Harga akan kekal sehingga pasaran stabil.
 - B. Harga akan naik untuk menstabilkan pasaran.
 - C. Harga akan turun untuk menstabilkan pasaran.
 - D. Harga akan turun sehingga permintaan menurun.
- CLO1 10. Antara berikut, yang manakah **BUKAN** merupakan contoh input berubah?
- A. Modal kerja
 - B. Bahan mentah
 - C. Buruh sambilan
 - D. Mesin dan bangunan
- CLO1 11. Apakah rumus bagi Keluaran Purata (AP)?
- A. $AP = TP \div \text{Input tetap}$
 - B. $AP = TP \div \text{Input berubah}$
 - C. $AP = TP \times \text{Input berubah}$
 - D. $AP = \text{Input berubah} \div TP$
- Dalam pengeluaran produk X, Pengurus Operasi mendapati bahawa jumlah keluaran mula menurun apabila jumlah buruh ditambah.
- CLO1 12. Situasi apakah yang berlaku dalam pengeluaran produk X?
- A. Pulangan sut negatif
 - B. Pulangan sut berkurang
 - C. Pulangan sut bertambah
 - D. Pulangan purata maksimum



Rajah A1

CLO1

13. Berdasarkan Rajah A1, pada titik manakah Jumlah Keluaran (TP) mencapai tahap maksimum?

- A. MP = sifar
- B. AP = sifar
- C. MP = negatif
- D. AP = negatif

CLO1

14. Apakah yang dimaksudkan dengan kos tetap?

- A. Kos yang berubah mengikut jumlah output.
- B. Kos yang hanya wujud dalam jangka panjang.
- C. Kos yang meningkat apabila input bertambah.
- D. Kos yang tidak berubah walaupun output sifar.

CLO1

15. Dalam jangka masa panjang, semua input dianggap sebagai input berubah. Apakah implikasi keadaan ini terhadap kos pengeluaran?

- A. Hanya kos tetap akan wujud.
- B. Kos purata akan kekal malar.
- C. Kos pengeluaran tidak akan berubah.
- D. Kos pengeluaran terdiri daripada kos berubah sahaja.

- CLO1 16. Mengapakah keluk kos purata (AC) dan kos berubah purata (AVC) berbentuk huruf “U”?
- A. Disebabkan oleh peningkatan kos tetap.
 - B. Disebabkan oleh kekurangan tenaga buruh.
 - C. Disebabkan oleh hukum pulangan berkurangan.
 - D. Disebabkan oleh perubahan dalam kos marginal.
- CLO1 17. Antara berikut, yang manakah merupakan ciri-ciri pasaran monopoli?
- I. Penjual tunggal
 - II. Ramai penjual dan pembeli
 - III. Firma merupakan penentu harga
 - IV. Firma merupakan penerima harga
- A. I dan III
 - B. I dan IV
 - C. II dan III
 - D. II dan IV
- CLO1 18. Apakah syarat keseimbangan firma dalam pasaran persaingan sempurna?
- A. $AR = AC$
 - B. $TR = TC$
 - C. $MR = MC$
 - D. $AC = AVC$

- | | |
|------|---|
| CLO1 | <p>19. Dalam pasaran persaingan sempurna, mengapakah firma hanya memperoleh untung normal dalam jangka panjang?</p> <ul style="list-style-type: none">A. Disebabkan pengeluaran menurun tanpa had.B. Disebabkan harga pasaran sentiasa meningkat.C. Disebabkan kerajaan mengawal harga pasaran.D. Disebabkan kebebasan keluar dan masuk firma baharu ke pasaran. |
| CLO1 | <p>20. Apakah implikasi apabila hasil purata (AR) lebih rendah daripada kos purata (AC)?</p> <ul style="list-style-type: none">A. Firma mengalami kerugian.B. Firma menambah pengeluaran.C. Firma memperoleh untung lebih normal.D. Firma mencapai keseimbangan jangka panjang. |

BAHAGIAN B : 60 MARKAH**ARAHAN:**

Bahagian ini mengandungi **TIGA (3)** soalan berstruktur. Jawab semua soalan.

SOALAN 1

- | | |
|------|--|
| CLO1 | (a) Nyatakan EMPAT (4) faktor pengeluaran utama dalam ekonomi serta ganjaran yang diterima bagi setiap faktor.
<div style="text-align: right;">[4 markah]</div> |
| CLO1 | (b) Senaraikan EMPAT (4) masalah asas ekonomi yang perlu dijawab oleh setiap sistem ekonomi.
<div style="text-align: right;">[4 markah]</div> |
| CLO1 | (c) Malaysia adalah salah satu negara yang mengamalkan sistem ekonomi campuran.
i. Terangkan TIGA (3) kelebihan sistem ekonomi campuran.
<div style="text-align: right;">[6 markah]</div>
ii. Tentukan cara jenis barangan yang hendak dikeluarkan diselesaikan dalam sistem ekonomi campuran.
<div style="text-align: right;">[2 markah]</div> |
| CLO1 | (d) Huraikan apa yang berlaku kepada harga dan kuantiti keseimbangan apabila berlaku pertambahan permintaan terhadap sesuatu barang.
<div style="text-align: right;">[4 markah]</div> |

SOALAN 2

- CLO1 (a) Nyatakan **EMPAT (4)** faktor yang mempengaruhi penawaran terhadap sesuatu barang di pasaran.
[4 markah]
- CLO1 (b) Terangkan **DUA (2)** perbezaan antara perubahan kuantiti diminta dengan perubahan permintaan.
[4 markah]
- CLO1 (c) Berikan definisi bagi konsep pengeluaran berikut:
i. Jumlah keluaran (TP)
ii. Keluaran purata (AP)
iii. Keluaran sut / marginal (MP)
[6 markah]
- CLO1 (d) Jelaskan **TIGA (3)** peringkat hukum pulangan sut berkurangan dalam teori pengeluaran.
[6 markah]

SOALAN 3

- CLO1 (a) Jumlah kos bermaksud jumlah keseluruhan perbelanjaan yang ditanggung oleh firma untuk menghasilkan sesuatu tingkat output dalam proses pengeluaran. Ia boleh diterjemahkan dalam rumus seperti berikut:
- Jumlah Kos (TC) = Kos Tetap (TFC) + Kos Berubah (TVC)**
- i. Apakah yang dimaksudkan dengan kos berubah? [2 markah]
- ii. Berikan **DUA (2)** contoh kos berubah dalam perniagaan. [2 markah]
- CLO1 (b) Jelaskan hubungan antara kos purata (AC), kos tetap purata (AFC) dan kos berubah purata (AVC). Gunakan rumus untuk menyokong jawapan anda. [4 markah]
- CLO1 (c) Terangkan **TIGA (3)** ciri-ciri pasaran persaingan sempurna. [6 markah]
- CLO1 (d) Firma yang beroperasi dalam pasaran persaingan sempurna perlu membuat keputusan pengeluaran berdasarkan perbandingan antara hasil sut (MR) dan kos sut (MC) untuk memaksimumkan keuntungan. Huraikan kaedah firma dalam pasaran persaingan sempurna menggunakan konsep hasil sut (MR) dan kos sut (MC). [6 markah]

SOALAN TAMAT